



UNIVERSITÄTS-
BIBLIOTHEK
PADERBORN

Universitätsbibliothek Paderborn

Imago saeculi XVII. ad annum huius saeculi X. producta

Neuhusii Paderbornae, 1710

Annus 1666.

urn:nbn:de:hbz:466:1-29436

Par fatum subiit Carolus Dux Mantuæ, relicto ex Clara Eugenia Austriaca hærede unico Ferdinando Carolo puero tredecenni.

Inter Sinas obiit dierum & meritorum plenus P. Joannes Adamus Schall Soc. Jes. Germanus, patria Coloniensis, postquam per annos 43 labore & fructu incredibili de-
fudasset in propaganda & excolenda Ecclesia Sinensi. Tanti nominis fuit apud eas Gentes, ut ipse Chinarum Imperator, quem vel videre in grandi ponitur felicitate, dignatus sit sæpius demissâ tantisper majestate ad ejus ædes divertere. Defuncto parentavit ritu splendidissimo submissus ab Imperatore Mandarinus.

ANNUS 1666.

TEntata est à Venetis hoc anno Cydonia, ut Turcæ ab obsidione Candiaæ diverterentur; sed insultu inutili, quem tamen paulò post compensavit præda duodecim navium plenarum com meatûs, quâ classis Venetæ Præfectus in Maliaco sinu potitus fuit. Candia præterea novo milite firmata adversus Barbaros.

Hollandi ope Gallorum pacem extorquent ab Episcopo Monasteriensi, non tamen victoriam ab Anglis, à quibus ad oram

Tamesis

Tamesis tantam iterum sunt cladem passi ;
ut per omnia pene Oceani littora dispersæ
natarent reliquiæ diffractarum navium.

In Polonia adactus est Lubomirskyus
cum fœderatis ad petendam à Rege Casi-
miro pacem, & deprecandam factorum ve-
niam; evicit nihilominus, ut meditata suc-
cessoris in regnum intrusio proscriberetur,
& integra Ordinibus assereretur libertas,
eligendi post abdicationem vel mortem Re-
gis ad coronam, quem maluissent Poloni.

Regina Christina remeavit in Sueciam,
ut interesset Holmiæ Regni comitiis, pro
Regis Caroli inauguratione, & reservata
sibi jura facta tectaque tueretur.

Comes Ballassus Rebellis Ungarus post
incensa & occupata oppida plurima, operi-
que Turcarum nequicquam imploratam à
regni Palatino cæditur & Viennam ad pri-
stinos carceres remittitur.

In Hispania Everardus Nitardus Soc. Jes.
Reginæ Confessarius ex dispensatione Pon-
tificis, ad summi inquisitoris locum pro-
moveretur.

Civitas Bremensis post tolerata incom-
moda plurima ab Imperio tandem avellitur,
& Sueco subjicitur.

Londini improvise incendio conflagrant domorū 15000, præter Ecclesias 84, aliasq; aedes complures usui publico destinatas.

Die 5 Decembris ingressa est pompâ solenni Viennam Margarita Infans Hispaniæ sponsa Leopoldi Imperatoris.

ANNUS 1667.

Diem Romæ supremum obiit 22 Maji Alexander VII. Pontifex Maximus, cui sequenti Junio successit Julius Cardinalis Rospigliosus, qui congruum placidis suis moribus assumpsit nomen Clementis IX. ab hoc Pontifice concessum Societati Jesu & PP. Augustinianis recitare ex præcepto Officium Conceptionis immaculatæ per totam octavam, quod postea fieri mandatum in omnibus locis ditioni Pontificiæ in temporalibus subjectis.

Delusis tandem longo tractatuū involucro Venetis arctius premi incipit Candia à Turcis.

Mense Majo movet cum magno Exercitu in Belgiū, quod sibi deberi prætendebat Uxoris & Delphini nomine, Ludovicus Rex Franciæ, & intra breve tempus aspirante belli fortuna secunda, quâ vi, quâ aliis artibus in potestatem redigit Tornacum, Aldernardū,

nardū,